



Page: 4

Reach: 50000

Country: BOSNIA AND HERZEGOVINA

Size: 279 cm2

1 / 1

Uprava za indirektno oporezivanje BiH o hapšenjima

# Čaušević je politički proizvod, zajedničkim snagama krali su narod

Kod nas slučaj „Sanader“ ima više pravaca, jer je BiH zemlja koja je pljačkana godinama, kazao Osmić

Direktor Uprave za indirektno oporezivanje (UIO) BiH Miro Džakula i predsjednik Sindikata radnika ove institucije Mehmedalija Osmić jučer su na vanrednoj konferenciji za novinare u Banjoj Luci potvrdili hapšenje bivšeg direktora UIO-BiH Kemala Čauševića, kao i desetine drugih službenika koji su osumnjičeni za zloupotrebu položaja prilikom carinjenja tekstila iz Kine i carinjenja motornih vozila, zbog čega je samo do 2011.



(Foto: M. Dragojlović)

## Velika zahvalnost Salihoviću, Čampari, Čavki i SIPA-i

- Glavni državni tužilac Goran Salihović, kao i tužioc Dubravko Čampara i Oleg Čavka, osobe su koje su ovaj slučaj iznijele do kraja, a i promjene u SIPA-i očito su dale rezultate. Ne-

izmjerno smo im zahvalni na ovome, potvrdili su pozbjedu sistema i države. Nije tačno da Tužilaštvo BiH ne radi ništa i nije tačno da se isplati biti kriminalac - poručio je Osmić.

godine prouzrokovana šteta po budžet od oko dvije milijarde KM, dok su ukupne procjene mnogo veće.

- Godinama sam upozoravao na ovo. Prvo su me proglasili ludim. Vrijedali su moju porodicu, a 2008. godine, kada sam upozorio da se ovdje ugrožavaju osnovna ljudska prava i ljudi pre-mještaju preko noći, priječeno mi je - kazao je Osmić jučer.

## Ostali njegovi ljudi u Upravi, Lagumdžija i Terzić

Osmić je jučer kazao i da je dobio informaciju o tome da je prilikom hapšenja Čaušević rekao: „Jedva sam čekao da dođete.“ On je naglasio da su iza Čauševića ostali oni koje je on doveo u Upravu.

- U ovom trenutku to su dva pomoćnika, Hajrudin Lagumdžija i Saudin Terzić, kadrovi SDA, ali je jedan od njih mijenjao stranku. Ovaj slučaj godinama je bio u la-

dicama upravo zbog političkih utjecaja - kaže Osmić.

Osmić nije precizirao, ali „Avaz“ saznaje da je Lagumdžija čovjek od velikog povjerenja u vrhu SDA, a Terzić je iz SDA prešao u SDP i tako osigurao svoj ostanak u UIO. Navodno je sve dogovorio sa svojim zemljakom iz Bugojna, federalnim ministrom Zukanom Helezom.

Uprava nije očekivala da će hapšenje Čauševića trajati ovako dugo, dodao je on, ali je to objasnio političkim utjecajima, upoređujući ovaj slučaj s hrvatskim „Sanaderom“.

- Kod nas slučaj „Sanader“ ima više pravaca, jer je BiH zemlja koja je pljačkana godinama. I vjerujte mi da se na

ovome neće završiti. Nisu samo uhapšeni jedini koji su uzimali novac za sebe. Kemal Čaušević politički je proizvod, kriminalac koji je dvije godine dolazio na posao bez dokumenata. Svi su koristili njegove usluge, zajedničkim snagama krali su narod - naglasio je Osmić. V. S.